



16.09.2011

PROTOKOLL

Møte i **PROGRAMUTVALET FOR LÆRARUTDANNINGA** torsdag 15. september 2011, kl. 12.00-14.00, seminarrom 217, HF-bygget.

Til stades:	Leiar	Anne-Brit Fenner
	LLE	Heming Gujord
	IF	Tor Jan Ropeid
	AHKR	Christian Sæle
	Visedekan for undervisning	Jan Oldervoll (observatør)
	Frå administrasjonen	Silje Anette Lindgren (sekretær)
Ikkje møtt:		Hilde Hjertager Lund (observatør)
Ikkje møtt:	Studentrepresentant, IL	

I	Godkjenning av innkalling og sakliste
	Innkallinga blei godkjent med følgjande merknader: 1) Møtetidspunktet bør setjast til kvart over. 2) To nye vedlegg til orienteringssak 7: Ein e-post frå Det psykologiske fakultet ved Marit Ulvik og Hege Sygna til praksisskular i Bergensregionen og eit vedlegg til denne med informasjon om partnarskulemodellen. Vedlegga blei delte ut på møtet.
II	Godkjenning av protokoll frå møtet 09.06.11
	Protokollen blei godkjent utan merknader.
III	Orienteringssaker
	1. Nye representantar i PUHF: Tor Jan Ropeid (IF), Christian Sæle (AHKR), Silje Anette Lindgren (administrativ koordinator for lærarutdanningane ved HF og sekretær i PUHF) Leiar i PUHF, Anne-Brit Fenner, ønskjer dei nye representantane i Programutvalet velkommen. Studentrepresentant til PUHF er enno ikkje på plass. Grunna dårleg oppmøte av studentar frå HF på generalforsamlinga til fagutvalet for integrert lektor- og adjunktutdanning (FIL) torsdag 8.september 2011, lykkast det ikkje å få valt ein representant. Administrativ koordinator har jamleg kontakt med FIL for å få på plass ein studentrepresentant så fort som råd. 2. Opptakstal for lærarutdanningane Silje Anette Lindgren orienterte. <ul style="list-style-type: none">• På integrert lektorutdanning med master i framandspråk var det 50 studentar som fekk tilbod om plass, 36 stykk takka ja, og per 06.09.2011 var det registrert 32 studentar på programmet.• På integrert lektorutdanning med master i nordisk var det 38 studentar som fekk tilbod om plass, 22 stykk takka ja, og per 06.09.2011 var det registrert 20 studentar på programmet.

- På erfaringsbasert master i undervisning med fordjuping i engelsk var det 18 studentar som fekk tilbod om plass, 17 av desse takka ja.
- På erfaringsbasert master i undervisning med fordjuping i norsk var det 17 studentar som fekk tilbod om plass, 15 av desse takka ja.
- På PPU fekk 123 studentar tilbod om plass, 87 av desse takka ja, og per 06.09.2011 var det registrert 78 studentar på det eittårige påbyggingsstudiet.

Jan Oldervoll kunne opplyse om at integrert lektorutdanning med master i framandspråk var det studieprogrammet ved HF som i 2011 hadde høgast poengsum ved opptak.

3. Møte i Programstyret 6. september 2011

Jan Oldervoll orienterte.

Følgjande sak frå møtet 6. september 2011 var av interesse for PUHF:

S 27/11 Brev fra MN vedrørende samarbeidsavtale om lektorutdanningen

MN går inn for samarbeidsavtale om lektor- og adjunktutdanninga. Foreløpig er dette ein avtale som skal gjelde mellom ulike institutt ved MN, men ein ser for seg at han kan vidareutviklast til også å gjelde samarbeid mellom fakultet og samarbeid internt på andre fakultet.

HF, representert ved Jan Oldervoll, uttrykte på møtet 6. september uro for at ein slik samarbeidsavtale vil bli ei minimumsløysing. PUHF ønskjer å undersøkje behovet for ein slik avtale med institutta, og vil forhøyre seg nærare med MN om erfaringane dei gjer seg.

4. Semesterrapport for PUHF våren 2011

Rapporten vil leggjast fram for PUHF og Studiestyret så snart som råd.

5. Endring av studieplan i samband med C-krav for kull 2010 på VID-MAUENG og VID-MAUNOR

Silje Anette Lindgren orienterte.

Fordi kull 2010 på dei to erfaringsbaserte masterprogramma ved HF ikkje var informerte om C-kravet på kursdelen av programma før langt uti haustsemesteret 2010, har IF og LLE tilrådd at snittkarakteren for dette kullet skal reknast ut frå tre av dei fire emna i kursdelen. Studentane bør kunne velje kva for emne snittet skal reknast ut frå. Fakultetet har gått inn for denne løysinga.

PUHF vil undersøkje fråfall på grunn av C-kravet, og ønskjer å ta opp C-kravet på master til diskusjon ved eit seinare høve.

6. Utlysingar av stillingar i fagdidaktikk knytte til erfaringsbasert master i undervisning i engelsk og i norsk

Anne-Brit Fenner og Heming Gujord orienterte.

IF har lyst ut ei 100% stilling som førsteamanuensis i engelsk fagdidaktikk med søknadsfrist 10. august 2011. Det er fem søkjarar som har meldt seg. Den som tek til i stillinga vil ha eit særleg ansvar for erfaringsbasert master i undervisning med fordjuping i engelsk, men vil òg ta del i integrert lektorutdanning med master i framandspråk, eittårig PPU og eventuelt andre emne i engelsk.

LLE skal lyse ut ei tilsvarande 100% stilling i norsk fagdidaktikk. Ein håpar på snarleg utlysing.

Både IF og LLE takkar Det humanistiske fakultet for at stillingane i fagdidaktikk blei godkjente.

7. Søknadsskjema for å bli partnerskule er sendt til skulane

Anne-Brit Fenner og Heming Gujord orienterte.

På bakgrunn av positive erfaringar med pilotprosjektet "Partnerskap for profesjonsutvikling", har UiB ved Det psykologiske fakultet sendt ut søknadsskjema om partnerskap og informasjon om den nye partnerskapsmodellen til skulane i Bergensregionen. Praksisutvalet har i den nye modellen føreslått at det skal etablerast eit tett og godt samarbeid med ei lita gruppe, ca. 12 skular, i første omgang. Dette for å sikre systematisk oppfølging av høg kvalitet. Praksisutvalet ønskjer at partnerskapsmodellen skal byggast ut i framtida.

PUHF har god tru på den nye modellen.

8. Reglement for opptak til PPU

Reglement om opptak for eittårig praktisk-pedagogisk utdanning (PPU) ved UiB blei godkjent i Programstyret 10.06.2011.

9. Høyring om revisjon av læreplan i norsk og samfunnskunnskap for vaksne innvandrarar

Saka er vidaresendt til representantar på norsk som andrespråk.

10. Høyring om skikkethetsarbeid i UH-institusjonane

Anne-Brit Fenner orienterte.

Det psykologiske fakultet ved UiB oppnemnde 20.oktober 2010 ei arbeidsgruppe som skulle gå gjennom rutinar for skikkethetsvurderingar i lærar- og helsefagutdanningane ved fakultetet. Arbeidsgruppa ved Det psykologiske fakultet la fram rapporten frå dette arbeidet i mars 2011. Rapporten inneheld forslag til korleis ein kan implementere "Forskrift om skikkethet i høyere utdanning frå 1. august 2006" ved Det psykologiske fakultet.

Nasjonalt råd for helse- og sosialfagutdanning og Nasjonalt råd for lærarutdanning i UHR oppretta i samarbeid ei arbeidsgruppe som skulle greie ut om skikkethetsarbeidet ved dei av utdanningane som er underlagt slik vurdering. Høyringsfristen på rapporten frå arbeidsgruppa til UiB sentralt var 15.08.2011.

PUHF hadde ikkje moglegheit til å behandle høyringssaka innan fristen 15.08.2011, men støttar rapporten frå arbeidsgruppa ved Det psykologiske fakultet.

11. Nedlegging av lærarutdanningsutvalet ved Det humanistiske fakultet

Anne-Brit Fenner orienterte.

Fakultetsstyret ved Det humanistiske fakultet godkjende i møte 22.februar

	2011 nedlegging av lærarutdanningsutvalet ved HF. Nedlegginga av LUHF får konsekvensar for mandatet til Programutvalet. PUHF vil ta opp endring av mandatet på eit seinare møte.
IV	Saker
<u>S11/20</u>	Representantar til Nasjonal lektorkonferanse i Trondheim 29.- 30. september Vedtak: Administrativ koordinator Silje Anette Lindgren og Myriam Daniele Coco (IF) reiser. Ein eventuell tredje representant bør helst vere studentrepresentanten i PUHF, som enno ikkje er oppnemnd.
<u>S11/21</u>	Endring av emneplanar på VID-MAUENG Vedtak: Under føresetnad av at Utvalet for undervisning og internasjonalisering (UUI) ved IF godkjenner at samlingane på VID-MAUENG blir obligatoriske (som på LLE og MN), støttar PUHF dette.
<u>S11/22</u>	Fagleg-pedagogisk dag 3. februar 2012 (diskusjonssak) Saka blei diskutert i forhold til to punkt: 1) Saksgang: På grunn av uklar informasjonsflyt, vil PUHF be SEVU om å sende brev om Fagleg-pedagogisk dag til fakulteta. Fakulteta vidareformidlar då brevet ut til institutta. Ei eventuell ønskeliste frå Utdanningsforbundet i forhold til innhald må òg kome i forkant av at brevet blir sendt til fakulteta. 2) Innhald: Det er viktig å ta omsyn til mottakarane (viktige rekrutteringspersonar og framtidige studentar) ved val av fag og tema. Ein ønskjer å halde fast på fleksibiliteten mellom førelesingar og miniseminar, og vil spesielt oppmode fagdidaktikarar om å ta del i Fagleg-pedagogisk dag.
<u>S11/23</u>	Organisering og prinsipp tilknytt praksis: førespurnad til Programstyret om resultat av arbeid Vedtak: PUHF sender førespurnad til Programstyret der resultatet av arbeidet til Praksisutvalet i denne saka blir etterlyst.
<u>S11/24</u>	Møtedatoar i PUHF hausten 2011 Vedtak: Måndag 10. oktober 2011 kl. 12.15 - 14.00 Måndag 14. november 2011 kl. 10.15 - 12.00 Torsdag 15. desember 2011 kl. 12.15 – 14.00
V	EVENTUELT Det var éi sak under eventuelt. Det humanistiske fakultet har motteke brev om oppnemning av representant og vararepresentant til opptakskomité for eittårig PPU 2011-2013. PUHF vil behandle denne saka på neste møte, måndag 10. oktober 2011.
	Anne-Brit Fenner
	Silje Anette Lindgren